



Canolfan Ieuenctid a Chymunedol
Llanfyllin
Powys SY22 5DR
CYMRU

Youth & Community Centre
Llanfyllin
Powys SY22 5DR
WALES

COMPANY REGISTERED IN ENGLAND AND WALES - 2911716 - CWMNI COFRESTRDIDIG YN LLOEGR A CHYMRU
REGISTERED CHARITY NUMBER - 1135641 - ELUSEN GOFRESTRDIDIG RHIF



Ffôn 01691 648 929 Phone
Ffôn Symudol 07814 523 521 Mobile Phone



Supported by
The National Lottery®
through the Arts Council of Wales

Cefnogydd gan

Y Loteri Genedlaethol
trwy Gyngor Celfyddydau Cymru

e-bost nerys / sian@artsconnection.org.uk e-mail
gwefan www.artsconnection.org.uk - www.cyswlltcelf.org.uk web

Tendr Arlunydd ar gyfer Tanffordd 2010 yn Four Crosses ar yr A483 - Trefnwyd ar gyfer mis Awst - Medi 2010

Cefndir a chyd-destun

Mae Cyswllt Celf, o dan gyfarwyddyd Cyngor Sir Powys, yn rheoli darn o gelfyddyd gyhoeddus a 'grëwyd' gan y gymuned yn Four Crosses / Llandysilio ar gyfer tanffordd i gerddwyr sy'n ffurfio rhan o gynllun gwella priffordd yr A483 yn Four Crosses.

Mae Llywodraeth Cynulliad Cymru yn adeiladu rhan newydd o'r ffordd i'r gorllewin o bentref Four Crosses, a bydd yn cynnwys cylchfan pedair cangen i gysylltu'r A483 gyda'r B4393.

Bydd gwelliannau Four Crosses yn cynnwys tanffordd i gerddwyr er mwyn darparu ffordd ddiogel i gerddwyr a beicwyr, yn hytrach na chroesi'r ffordd newydd. Bydd y danffordd yn cysylltu'r Eglwys â'r pentref, yn darparu cyswllt i'r gwasanaeth bysys ac yn ffurfio rhan hefyd o ddargyfeiriad Llwybr Troed Ffordd Offa.

Bydd tanffordd y cerddwyr yn mesur 4.0m x 2.4m o uchder a 15m o hyd ac fe'i hadeiladir o unedau o flychau concrid sydd wedi'u rhag-gastio.

Ar ddiwedd 2009, trefnwyd ymgynghoriad gan Gyswllt Celf gyda chymuned Llandysilio er mwyn hel gwybodaeth am y themâu a'r dyluniadau y carent weld fel rhan o'r gwaith celf. O ganlyniad, cytunwyd ar faes gorchwyl artistig a dyluniad sylfaenol. Ymgwymerir â gwaith mosaig i gyflawni'r gwaith celf.

Maes gorchwyl

Cydweithio gyda'r tîm prosiect i drefnu cynllun manwl a chyllideb ar gyfer creu'r gwaith celf.

Disgwylir i'r arlunydd greu'r gwaith trwy gynnwys yr ysgolion cynradd lleol a rhai diwrnodau agored i gynnwys cymuned Llandysilio.

Bydd 3 cham i'r prosiect:

- Cam 1 - Awst 2010 - Cyfarfod â'r tîm prosiect i gynllunio'r prosiect - disgwylir mewnbwn o ½ diwrnod - 1 diwrnod yr wythnos gan yr arlunydd
- Cam 2 - mis Medi 2010 - Ymgynghori a chychwyn ar gysylltiadau gyda'r ysgolion ar gyfer hyrwyddo'r prosiect - disgwylir mewnbwn o 1-2 ddiwrnod yr wythnos gan yr arlunydd
- Cam 3 - mis Hydref 2010 - Creu'r gwaith celf - disgwylir mewnbwn o 4 - 5 diwrnod yr wythnos gan yr arlunydd

Ymgwymerir â'r gwaith celf tra bydd y cynllun gwelliannau ar droed a dylai'r arlunydd fod yn ymwybodol y byddant yn gweithio yng nghanol safle adeiladu. Bydd yn ofynnol i'r arlunydd ymgymryd ag unrhyw hyfforddiant iechyd a diogelwch, yn unol â chyfarwyddyd rheolwr y safle, tra'n gweithio ar y prosiect.

Bydd Cyswllt Celf yn trefnu, lle bo'n briodol, gweithiwr i gynorthwyo'r arlunydd.

Cyfraddau a Chanllawiau

Cytunir ar gyfanswm y gyllideb a diwrnodau'r arlunydd gyda'r tîm prosiect yn dilyn y penodiad. Bydd o leiaf 20 o ddiwrnodau gwaith ar gyfer yr arlunydd.

Canllawiau o ran cyfraddau: Cyfraddau'r arlunydd = £150 y diwrnod ynghyd â chyfraddau ar gyfer cyfarfodydd o £10 yr awr, milltiroedd o dros 50 milltir am daith gyflawn = i dalu £0.40c y filltir. Cytunir ar ddeunyddiau gyda'r tîm prosiect.







Dethol a Chymhwyster

Dylai'r arlunwyr sy'n ymgeisio arddangos profiad o ran celfyddyd gymunedol, ac yn ddefnyddol, profiad o ran creu darnau celf cyhoeddus parhaol. Mae gwybodaeth o waith mosaig yn hanfodol.

Gwahoddir ceisiadau gan arlunwyr unigol neu ddau arlunydd i ymgymryd â gwahanol agweddau o'r maes gorchwyl.

Gweithdrefnau ymgeisio

Gwahoddir arlunwyr i gyflwyno llythyr eglurhaol, yn cynnwys:

-  Enw a manylion cyswllt
-  Datganiad gan yr arlunydd (cyfanswm o 500 o eiriau) ynghlŷn â'i brofiadau artistig
-  Datganiad o'r modd y bydd yn ymdrin â'r maes gorchwyl
-  5 delwedd o leiaf i arddangos gwaith blaenorol
-  CV
-  Rhif cyfeirnod y Swyddfa Cofnodion Troseddol (CRB) a'r dyddiad dosbarthu (os nad oes gennych dystysgrif CRB, mae'n ofynnol i chi ymgymryd â gwiriad adnabod y CRB cyn gynted ag y cewch eich penodi.)

D.S.: Petaech yn methu â chyflenwi unrhyw wybodaeth fel y nodir uchod, mae'n bosibl y dilëir eich cais.

Anfonwch eich cais, un ai drwy'r post neu e-bost, at:

Cyswllt Celf, Canolfan Ieuencid a Chymuned, Llanfyllin, Powys, SY22 5DR neu anfonwch e-bost at: sian@artsconnection.org.uk

| | | |
|------------------|-----------------|--|
| Amserlen: | Dyddiad cau | Dydd Gwener, 16 ^{eg} Gorffennaf 2010 |
| | Hysbysiad | Dydd Gwener, 23 ^{ain} Gorffennaf 2010 |
| | Cychwyn/Gorffen | Awst – Mis Hydref 2010 |

Dyddiad cau ar gyfer cyflwyno ceisiadau: Dydd Gwener, 16^{eg} Gorffennaf 2010

Ystyrir pob cais gan y panel dethol.